

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 20.03.2018թ. թիվ 1807800487 որոշումն անփոփոխ, իսկ վարչական բողոքն առանց բավարարման թողնելու մասին

<<11>> 05 2018թ. 17-13-44453-18/17-13-340

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Ժորա Մկրտչյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Շիրակի մարզի Գյումրի քաղաքի Չարենցի փողոցի 15 շենքի 12 բնակարանի բնակիչ Ժորա Մկրտչյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 20.03.2018թ. թիվ 1807800487 որոշմանը՝ նշելով, որ Երևան քաղաքի Արտաշիսյան փողոցի հատվածում 3.24 <<Առավելագույն արագության սահմանափակում>> 40կմ/ժ ճանապարհային նշանը առկա չի եղել:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ հետևյալ պատճառաբանությամբ.

Ճանապարհային ոստիկանության Ճանապարհային երթևեկության կազմակերպման հսկողության բաժնի կողմից տրված տեղեկանքի համաձայն՝ Երևան քաղաքի Արտաշիսյան փողոցում 3.24 <<Առավելագույն արագության սահմանափակում>> 40կմ/ժ ճանապարհային նշանները տեղադրվել են 2017 թվականի նոյեմբեր ամսին և նշված ճանապարհային նշանները 2018թ. մարտի 14-ի դրությամբ առկա են եղել:

Այսպիսով ակնհայտ է, որ Երևան քաղաքի Արտաշիսյան փողոցում տեղադրված արագաչափ սարքով արձանագրվել է դիմումատուին պատկանող տրանսպորտային միջոցի փաստացի արագությունը՝ 57 կմ/ժ՝ 40 կմ/ժ թույլատրելի արագության պայմաններում, ինչը գտնվում է Վարչական իրավախախտումների վերաբերյալ ՀՀ օրենսգրքի 124.4 հոդվածի 1-ին մասի տիրույթում, հետևաբար դիմումատուին վարչական պատասխանատվության ենթարկելու մասին որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 20.03.2018թ. թիվ 1807800487 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Ժորա Մկրտչյանին:

